

Mangwele mpo na COVID-19: Mituna Batunaka Mbala na Mbala

Matomba ezali nini ya kozwa mangwele na COVID-19?

Kozwa mangwele ekoki kopekisa yo ozwa COVID-19, mpe kobatela libota na yo mpe lisanga ya bato ya mboka na yo uta na kozwa bokono yango mpe. Kozwa mangwele ezali likambo ya ntina monene mpo na kolonga bokono ya COVID-19 mpe mpo ete masanga na biso ya bato ezonga malamumu.

Mangwele nini ya COVID-19 ezali komonana sikawa?

Kino sikawa mangwele ezali mibale oyo endimama:

- Vaccin ya Pfizer BioNTech COVID-19
- Vaccin ya Moderna COVID-19

Nkisi ya mangwele nionso mibale oyo ezali kosalisa mpi banganga mayele bayekolaki mpe balukaki koyeba malamumu ete ekozala malamumu mpo na bato banso.

Nani asengeli kozwa mangwele?

Bato bakokisi mibu 16 mpe koleka bakoki kozwa mangwele na nkisi ya Pfizer BioNTech vaccin, mpe bato bakoki mibu 18 koleka bakoki kozwa nkisi ya Moderna vaccin.

Ntango nini nakoki kozwa nkisi ya mangwele?

Maine ezali kosalela nzela moko ya biteni mingi mpo na kopesa mangwele. Sikawa mpenza, tozali na eteni ya liboso. Mpo na makambo esalemaka eteni oyo, baminganga, basali na urgences, bato bavandaka na bandako ya kosalisa bato mpe bakolo oyo basila kokokisa mibu 70 bazali kozwa mangwele. Bato oyo bazali na mbula 65 kino 69 mpe bakolo oyo bokolongonu ya nzoto ezali na likama monene bakozwa mangwele na eteni ya nsima.

Nkisi ya mangwele mpo na bato banso ekoki komonana na elanga ya 2021.

Nkisi ya mangwele epesami lolenge nini?

Mangwele nyonso mibale epesameli yo na ntonga na nzela ya misisa mpe esengeli dose mibale. Mpo na nkisi ya mangwele to vaccin ya Pfizer BioNTech, dose nyonso mibale epesami na ntaka ya mposo mibale. Mpo na nkisi ya mangwele to vaccin ya Moderna, dose epesami na ntaka ya sanza moko.

Olingi koyeba mingi koleka na ntina ya nkisi ya mangwele to vaccin ya COVID-19?

Tinda mituna na yo na nzela ya email na
C19vaccine.MECDC@maine.gov

Nini nasengeli koyebisa mopesi mangwele na ngai liboso nazwa nkisi?

Osengeli koyebisa mopesi mangwele na yo **nyonso etali makama na bokolongonu ya nzoto** na yo mpe soki ozalaka na:

- mpasi nsima ya kolia eloko to kozwa nkisi songolo
- fievele
- mobulu to mpasi na makila mpe soki olandaka kozwa nkisi ya kolamusa makila
- systeme immunitaire esili kolemba to azwaka nkisi oyo esimbaka systeme immunitaire
- zemi to komilengela kozwa zemi
- mwana oyo ozali komelisa mabele
- mangwele mosusu COVID-19 osila kozwa.

Ezali na makama nsima ya kozwa mangwele? Nini nasengeli kosala soki ezali?

Okoki koyoka mwa mpasi to mitungisi ya mike-mike nsima ya kozwa nkisi ya mangwele. Ezali bongo lokola momeseno mpe ekokoba kino mwa mikolo nsima. Mitungisi ya nsima ya nkisi ekoki kozala kaka lokola bilembo ya COVID-19 (mpasi na misisa, moto mpasi, mpe kolenge na malili) mpe ezali mingi kolekka na nsima ya dose ya mibale. Ete mitungisi miye ezala ya makasi ekoki kosalema na bato moke kaka.

Nakoki kozwa mangwele ntango nazali na zemi to komelisa mwana mabele?

Osengeli kosolola maye matali yo na monganga oyo asalisaka yo to monganga ya lisanga ya na bino.

Nasila kozwa COVID-19, nasengeli kaka kozwa mangwele?

Ata soki osilaki kozwa COVID-19 liboso, osengisami kozwa mangwele. Okoki kaza mangwele ntango nyonso nsima ya kobika uta na COVID-19.

Soki nazalaka na maladi na ngai mosusu, mangwele ekozala malamumu mpo na ngai? Osengeli kosolola maye matali yo na monganga oyo asalisaka yo to monganga ya lisanga ya na bino mpo na kozwa mokano soki mangwele ekozala malamumu mpo na yo.

Mangwele ekopesa ngai COVID-19?

Te, mangwele ekopesa yo COVID-19 te.

**Olingi koyeba mingi koleka na ntina ya nkisi ya mangwele to vaccin
ya COVID-19?**

**Tinda mituna na yo na nzela ya email na
C19vaccine.MECDC@maine.gov**

Nini ezali na kati ya vaccin/na nkisi ya mangwele?

Ba vaccin to nkisi nyonso mibale ya mangwele **ezali na** maki, preservatifs, to latex **te**. Okoki komona biloko bati na kati mingi awa:

- Vaccin ya Pfizer BioNTech: <https://www.fda.gov/media/144414/download>
- Vaccin ya Moderna: <https://www.fda.gov/media/144638/download>

Ba dose nyonso mibale ya mangwele esengeli kowuta na uzine kaka moko wana epai esalemi?

Iyo. Ba dose ya liboso mpe ya mibale ya vaccin **esengeli** kowuta na uzine kaka moko wana epai esalemaki. (Pfizer to Moderna). **Okoki te** kosangisa uta moko na mosusu.

Nsima ya kozwa dose nyonso mibale, nasengeli kaka kolata masque na elongi mpe kozalaka mosika na basusu na lisanga ya bato?

Iyo, ata soki osili kozwa mangwele osengeli kokoba kolata masque na elongi mpe koboya kozala mpembeni ya bato basusu. Nsango ezwami ya kokoka naino te mpo ete Engumba ya Maine CDC esukisa kosenga na moto moko moko kolanda mibeko ya komibatela na COVID-19.

**Olingi koyeba mingi koleka na ntina ya nkisi
ya mangwele to vaccin ya COVID-19?**

**Tinda mituna na yo na nzela ya email na
C19vaccine.MECDC@maine.gov**